



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CLIV. De Fratibus Musicis Ord. Carmelitarum Provinciæ Portugalliæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

ta de reci-
piendo solo
Visitatore
Provinciae
Assumptionis
B. M. Tucumanis, vel
Commissario
Gener. Peruviano.

Lector jubilarus, Examinator Synodalis Archiepiscopi Toletani, Theologus Regis Catholici in Immaculata Conceptionis Deiparae Congressu, Exprovincialis Provinciae Castellae, Pater ejusdem, & Provinciarum Aragoniae, & Cathaloniae, ac Commissarius Generalis omnium Occidentalium Indiarum cum plenitudine potestatis, & Servus &c. Reverendo Patri Provinciae, & Venerabili Diffinitorio nostrae Provinciae Sanctissimae Trinitatis de Chile salutem, & pacem in Domino Nostro Jesu Christo &c. Cum certiorati simus de excessivis expensis, quibus gravantur illae nostrae praefatae Provinciae, quando RR. Patres Visitatores ad eas visitandas nominantur ex aliis longinquis Provinciis, & quod sint illae gravissimae, & magnae expensae indispensabile, & necessariae propter longissima itinera per Regiones desertas, ut fiat transitus ex una ad alias Provincias, ut experientia notum est. Et cum propter praefatae nostrae Provinciae Sanctissimae Trinitatis paupertatem nequeant fieri illae magnae expensae necessariae ad conducendum Visitatores ex longinquis Provinciis, Nos propterea desiderantes, ut in praedicta nostra Provincia evitentur tam graves sumptus seu expensae, necnon & adherendo Constitutioni generali praecipiente, eligi Visitatores ex propinquioribus Provinciis, ideoque virtute harum nostrarum Literarum, nostro nomine, & propria manu subscriptarum, & quas sigillo majori nostri Officii sigillamus, & per nostrum Secretarium attestamus, praecipimus, & ordinamus, ut deinceps non admittantur, nec recipiantur in praefata nostra Provincia aliquis Visitator ex alia Provincia, nisi solum ex illa Assumptionis Virginis Mariae Tucumanis, quae proximior est, ut hoc modo occurratur damnis, quae evenire possunt ob excessivas expensas, & ut observetur generalis Constitutio nostri Ordinis; quapropter mandamus, ut statim, ac ipse nostrae Literae Patentes accipiantur in praefata nostra Provincia, intimetur nostrum mandatum in eis contentum R. Patri Commissario Generali nostrarum Provinciarum Regni Peruviani, ut de illo sic admonitus; cui insuper mandamus virtute sanctae obedientiae, & Spiritus Sancti, quod nullo modo, nec sub aliquo praetextu, se opponat, nec contradicat nostro mandato, & dispositioni, nisi solum in casu, quo sua Paternitas Rev. velit sua propria Persona, praedictam Provinciam visitare. Datis in hoc Conventu Sancti Francisci Matrili die 31. Julii 1715. -- Frater Joseph Sanz Commissarius Generalis Indiarum -- Loco ✕ Sigilli -- De mandato S. Remae -- Fr. Clemens Zurita Secretarius Generalis Indiarum.

Preces Procuratoris Chilien.

§. 1. Cum autem, sicut eadem expositio subiungebat, dictus Joannes Procurator praemissa, quo firmius subsistant, Apostolica confirmatione nostrae patrocinio communiri summopere desideret. Nos ipsum Joannem Procuratorem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praepositorum, qui dilectum pariter filium modernum, Procuratorem Generalem dicti Ordinis super praemissis audiverunt, consilio, praefertas Patentes Literas a memorato Josepho Commissario Generali Indiarum expeditas, ut praefertur, cum omnibus, & singulis in eis contentis auctoritate Apostolica, tenore praesentium confirmamus, & approbamus, illisque inviolabilis Apostolicae firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus, salva tamen semper in praemissis auctoritate Congregationis eorumdem Cardinalium.

§. 2. Decernentes ipsas praesentes literas, firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari: sicque in praemissis per quoscumque judices Ordinarios, & Delegatos etiam Caesarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Provinciarum, & Ordinis praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud Sanctam Mariam Majori sub Anno Piscatoris die XXV. Januarii MDCCXVII. Pontificatus nostri Anno Decimo-septimo.

Prohibetur, ne Superiores Provinciae Portugalliae Fratrum Carmelitarum antiquae observ. permittant, Fratres Musicos canere in alienis Ecclesiis.

Const. ed. 1707. Aug. 41. P. 7. revocatae fuerit facultates manandi extra Caenobia dd. Musicis concessa. Et Bened. XIII. Const. ed. 1726. Jan. 14. P. 3. concessum fuit Indultum super quodam onere Missarum.

Const. ed. 1707. Aug. 41. P. 7. revocatae fuerit facultates manandi extra Caenobia dd. Musicis concessa. Et Bened. XIII. Const. ed. 1726. Jan. 14. P. 3. concessum fuit Indultum super quodam onere Missarum.

C L E M E N S P A P A X I .

Ad futuram rei memoriam.

EXponi Nobis nuper fecit dilectus filius Andreas de Cerquiera Provincialis Ordinis Fratrum Beatae Mariae Virginis de Monte Carmelo antiquae observantiae Provinciae Portugalliae, quod cum in praedicta Provincia, & praesertim in Conventu Ulyssiponen. mos inoleverit, aliquos pueros ad habitum regularem admittendi, ipsosque Musicam, & Musicalia Instrumenta edocendi, ut Divina officia melius concinantur, & festivo concentu solemnes festivitates celebrentur, ac in id assequendo dictus Conventus immodicas pecuniae summas consumat; praedicti vero Juvenes sic ad habitum Regularem hujusmodi admissi, & edocti, postquam suam statuto tempore professionem per Fratres dicti Ordinis emitti consuetam expresse emiserint regularem, ac in Sacro Presbyteratus Ordine constituti sint, multiplici praetextu hanc Sanctam Sedem, ejusque pro tempore existentes in Portugallia, & Algarbiorum Regnis Nuncios pro obtinendis indultis, & gratiis adeant, ut retento habitu regulari hujusmodi, vel praetextu, quod Parentibus pauperie laborantibus subveniant, aut Sororibus, Neptibusque elemosynas e Musico exercitio collectas contribuant, alii autem servitio Ecclesiarum Cathedralium infervientibus

Clausula.

CLIV.

Dat. 22. Febr. 1717. An. 17.

Quomodo introductus hujusmodi abusus, & mala inde exorta.

Confirmatio relatarum.

& id

& id ipsum postulantibus locorum Ordinariis, se mancipari faciant, & ita relaxata disciplina regulari, spreteque Superiorum obedientia sine focis vagentur, pecuniisque retentas in pessimos usus convertere, & si forte Superior Religionis id eis impedire pretendat, statim recursus non solum ad eosdem Nuncios, sed etiam ad Tribunalia Saecularia interponant: ex quibus omnibus non solum praefato Conventui maximum detrimentum, sed & Ordini praedicto inexplicabile dedecus, cum notoria, ac pessima vita Regularis, Votorumque emissionis relaxatione, & obedientiae iactura afferri soleat, ipse Andreas Prior Provincialis tot malis occurrere exoptans, Praelatis Superioribus, & localibus Coenventum, Prioribus Provinciae, & Ordinibus praedictorum praesentibus, & futuris sub excommunicationis, ac privationis vocis activae, & passivae, necnon officiorum penis eo ipso absque alia declaratione incurrendis, ne de caetero fratribus Musicis licentiam exeundi e Monasterio ad festivitates celebrandas in aliis Ecclesiis, quam praedicti Ordinis, excepta Capella Regia, vel quando Communitas ipsa cum Cruce ad eas peragendas accedit, concedere audeant, seu praesumant per Nos prohiberi, & indulta habitus retenti, aliasque gratias similes tam a sede praedicta, quam ab illius Nunciis desuper obtenta revocari plurimum desideret: Nobis propterea humiliter supplicari fecit, ut in praemissis opportune providere, & ut infra indulgere de benignitate Apostolica dignaremur.

§. 1. Nos igitur ipsius Andreae Prioris Provincialis vocis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis, a jure, vel ab homine quavis occasione, vel causa latis, si quibus quomodo ibet innodatus existit, ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de venerabilium fratrum nostrorum S. R. E. Cardinalium negotiis, & consultationibus Episcoporum, & Regularium, qui relationem dilecti pariter filii moderni Procuratoris Generalis Ordinis hujusmodi super praemissis ad eosdem Cardinales transmissam attenderunt, consilio, superioribus quibuscumque praedicti Ordinis, sub penis, ut peritur, excepta illa excommunicationis, ne deinceps licentiam super praemissis ullatenus concedant, auctoritate Apostolica, tenore praesentium prohibemus, & interdicimus, salva tamen semper in praemissis auctoritate Congregationis eorundem Cardinalium.

§. 2. Non obstantibus constitutionibus, & Ordinationibus Apostolicis, ac quatenus opus sit, Provinciae, Ordinis, & Coenventuum praedictorum, etiam Juramento, Confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis, Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die XXII. Februarii MDCCXVII. Pontificatus Nostri Anno Decimoseptimo.

Preces Provincialis pro prohibitione sub excommunicationis poena, & privationis utriusque vocis, ac officiorum.

Prohibitio praedicta sub privationis vocis, & officiorum poena tantum.

Clausulae.

Confirmantur binae resolutiones Capituli Generalis Congregationis Presbyterorum Piorum Operariorum de celebratione ejusdem Capituli.

CLV.

Constitutiones confirmatae fuere a Greg. XV. Const. edit. 1621. Apr. 1. P. 1. & Urb. VIII. Const. edit. 1634. Nov. 6. P. 12. Hujus Pontificis Const. ed. 1712. Jan. 3. P. 12. concessa fuit Ecclesia, & Collegium S. M. Montium de Urbe Et Bened. XIII. Const. edit. 1726. Junii 3. P. 2. interdicitur omnibus sibi assumere nomen Piorum Operariorum.

CLEMENS PAPA XI.

Dat. 1. Apr. 1717. An. 17.

Ad futuram rei memoriam.

EXponi Nobis nuper fecerunt dilecti filii Praepositi, & Capitulum Generale Congregationis Presbyterorum Piorum Operariorum nuncupat., quod in eorum Constitutionibus inter caetera potissimum ex Cap. 20. eruitur, quod Capitulum dictae Congregationis singulis annis cogi, omniaque ejusdem Congregationis Officia ad annum esse debeant; Itidem in Capitulo 3. earundem Constitutionum constituitur, quod in receptione vocalium, omnes, qui decennale tyrocinium in ipsa Congregatione laudabiliter expleverint, admittantur, & alias, prout praedictis Constitutionibus, quae a fel. rec. Gregorio XV. & Urbano VIII. Romanis Pontificibus Praedecessoribus nostris Apostolico munimine in forma specifica roboratae, atque ab ejusdem Congregationis initio huc usque servatae fuerunt uberius asserunt contineri; Quoniam vero jampridem compertum fuit, praedictas ipsius Congregationis Constitutiones, quae primum in Civitate Neapolitana ortum habuit, & subinde quoque extra Regnum adolevit, in ejus exordio optime accommodatas, nunc aliquo modo progressum, & bonum ipsius regimen impedire, ideoque anno proxime praeterito in Capitulo Generali statutum fuit, ut idem Capitulum futuris temporibus, non nisi triennio expleto celebraretur, dictaque Officia deinceps triennialia forent, utque vocales ad numerum tricenarium reducerentur; ita ut in casu vacationis tantum alii juxta formam praescriptam admittantur, prout in resolutionibus desuper habitis fufius asseritur etiam contineri. Porro cum die 24. Mensis Julii proxime praeteriti ad enixas preces dilecti filii Moderni Procuratoris Generalis ipsius Congregationis dictae duae resolutiones in infra-scripta Congregatione Cardinalium relatae fuissent, ipsa Cardinalium Congregatio die 25. Septembris dicti Anni illas confirmandas esse censuit, verum quia quidam praedictae Congregationis Piorum Operariorum Presbyteri, qui huic Congregationi ad praescriptum primitivae Regulae nomen dederunt, eorum praedictum quoad restrictionem vocalium deduxerunt, praedicta resolutio ita moderata fuit, ut sine illorum, qui memoratam Congregationem ante publicationem Decreti hujusmodi ingressi fuerunt, praedictum, procederet, sed adversus praedictas duas resolutiones, nonnullis ex eisdem piis operariis reclamantibus negotium iterum ad eandem Congregationem Cardinalium deductum fuit, & partibus utrinque voce, & scriptis acerrime informantibus, dicta Congregatio Cardinalium stetit in decisio.

Resolutiones praedictae anni 1716. editae reformantes Constitutiones, sunt, de celebratione Capituli singulis trienniis de Officiis triennialibus & de numero tricenario suffragatorum.

A Congregat. Episc. & Reg. approbatae fuere sine praedictorum, qui jam antea Congregationi nomen dederant.

Cum autem sicut eadem exposito subjungebatur ipsi exponentes binas resolutiones hujusmodi Apostolicae Confirmationis nostrae patrocinio communiri plurimum desiderent. Nos specialem ipsis Exponentibus gratiam facere volentes, & eorum singulares personas a quibusvis

Preces Capituli.

excom-